

樂府詩集

十



樂府詩集卷第三十二

太原郭

茂倩

編次



相和歌辭

平調曲

君子行

樂府解題曰古辭云君子防未然蓋言遠嫌疑也又有君子有所思行辭旨與此不同

君子防未然不處嫌疑間瓜田不納履李下不正冠嫂叔不親授長幼不比肩勞謙得其柄和光甚獨難周公下白屋吐哺不及餐一沐三握髮後世稱聖賢

同前

陸機

天道夷且簡人道險而難休咎相乘躡翻覆若波瀾去疾苦不遠疑似實生患近火固宜熱履冰豈惡寒掇蜂滅天道拾

樂府詩集

塵惑孔穎逐臣尚何有棄友焉足歎福鍾怕有兆禍集非無端天損未易辭人益猶可歡朗鑒豈遠假取之在傾冠近情苦自信君子防未然

同前

梁簡文帝

君子懷琬琰不使涅塵淄從容子雲閣寂寞仲舒帷多謝悠悠子管窺良可悲

同前

沈約

良御惑燕楚妙察亂澠淄隄傾由漏壤垣隙自危基囂途或妄踐黨義勿輕持

同前

戴暠

畫野依德星開鄴對廉水接越稱交讓連樹名君子數非唯二失升階無三止探甑不疑塵正冠還避李寄言蘧伯玉無為嗟獨耻

同前

僧齊已

聖人不生麟龍何瑞梧桐不高鳳凰何止吾聞古之有君子  
行藏以時進退求已榮必為天下榮耻必為天下耻苟進不  
如此亦何必用虛偽之文章取榮名而自美

燕歌行七解

魏文帝

樂府解題曰晉樂奏魏文帝秋風別日二曲言

時序遷換行役不歸婦人怨曠無所訴也廣題

曰燕地名也言良人從役於燕而為此曲

秋風蕭瑟天氣涼草木搖落露為霜解一羣鷁辭歸鵠南翔念

吾客遊多思腸解二慊慊思歸戀故鄉君何淹留寄他方解三賤

妾莞莞守空房憂來思君不敢忘解四不覺淚下霑衣裳援瑟

鳴絃發清商解五短歌微吟不能長明月皎皎照我牀解六星漢

西流夜未央牽牛織女遙相望爾獨何辜限河梁解七

樂府詩集

右一曲晉樂所奏

同前六解

魏文帝

別日何易會日難山川悠遠路漫漫解一鬱陶思君未敢言寄

書浮雲往不還解二涕零雨面毀形顏誰能懷憂獨不歎解三耿

耿伏枕不能眠披衣出戶步東西解四展詩清歌聊自寬樂往

哀來摧心肝悲風清厲秋氣寒羅帷徐動經秦軒解五仰戴星

月觀雲間飛鳥晨鳴聲氣可憐留連顧懷不自存解六

右一曲晉樂所奏

別日何易會日難山川悠遠路漫漫鬱陶思君未敢言寄聲

浮雲往不還涕零雨面毀容顏誰能懷憂獨不歎展詩清歌

聊自寬樂往哀來摧肺肝耿耿伏枕不能眠披衣出戶步東

西仰看星月觀雲間飛鶴晨鳴聲可憐留連顧懷不能存

右一曲本辭

同前

魏明帝

白日晼晼忽西傾，霜露慘悽塗階庭。秋草捲葉摧枝莖，翩翩飛蓬常獨征。有似遊子不安寧。

同前

陸機

四時代序逝一作遠，不追寒風習。習落葉飛蟋蟀，在堂露盈墀。念君遠一作客，遊怕苦悲君。何緬然久不歸，賤妾悠悠心無違。白日既沒，明燈輝夜禽。赴林匹鳥棲，雙鳴關關宿。河渚憂來，感物淚不晞。非君之念，思為誰別日一作日別。何早會，何遲。

同前

謝靈運

孟冬初寒，節氣成悲。風入閨，霜依庭。秋蟬噪柳，燕棲楹。念君行役，怨邊城。君何崎嶇，久祖征。豈無膏沐，感鶴鳴。對酒不樂，淚沾纓。闥開幌恍，弄秦箏。調絃促柱，多哀聲。遙夜明月鑒，帷屏誰知。河漢淺且清，展轉思服。悲明星。

樂府詩集

同前

謝靈運

四時推遷，迅不停。三秋蕭瑟，葉解輕。飛霜被野，雁南征。念君客遊，羈思盈。何為淹留，無歸聲。愛而不見，傷心情。朝日潛輝，華燈明。林鵲同棲，渚鴻并接。翮偶羽依，蓬瀛仇。依依旅類，相和鳴。余獨何為，志無成。憂綠物感，淚沾纓。

同前

梁元帝

燕趙佳人，本自多。遠東少婦，學春歌。黃龍戍北，花如錦。玄菟城前，月似蛾。如何此時，別夫壻。金羈翠眊，往交河。還聞入漢去，燕營怨妾愁。心百恨，生湯湯。悠悠天未曉，遙遙夜夜聽。寒更自從異，縣同心。別偏恨，同時成。異節橫波滿，臉萬行。啼翠睂暫斂，千重結。泣海連天，合不開。那堪春日，上春臺。唯見遠舟如落葉，復看遙舸似行杯。沙汀夜鶴嘯，羈雌妾心無趣。坐傷離，翻嗟漢使音塵斷。空傷賤妾燕南坐。

同前

蕭子顯

風光遲舞出青蘋  
蘭條翠鳥鳴發春  
洛陽梨花落如雪  
河邊細草細如茵  
桐生井底葉交枝  
今看無端雙鷺離  
五重飛樓入河漢  
九華閣道暗清池  
遙看白馬津上吏  
傳道黃龍征戍兒  
明月金光徒一作從照妾  
浮雲玉葉君不知  
思君昔去柳依依  
至今八月避暑歸  
明珠蠶繭登勉機  
鬱金香鵠特香衣  
洛陽城頭雞欲曙  
丞相府中烏未飛  
夜夢征人縫狐貉  
私憐織婦裁錦緋  
吳刀鄭錦絡寒閨  
夜被薄芳年海上  
水中鳧日暮寒夜  
空城雀

同前

王 褒

初春麗日鶯欲嬌  
桃花流水沒河橋  
薔薇花開一作開花百重葉  
楊柳拂一作覆地散千條  
隴西將軍號都護  
樓蘭校尉稱嫖姚  
自從昔別春鷺分  
經年一去不相聞  
無復漢地長安月  
唯有

樂府詩集

漠北薊城雲淮南  
桂中明月影流黃  
機上織成文充國  
行軍屢築營陽史  
討虜陷平城城下  
風多能却陣沙中  
雪淺詎亭兵屬國  
少婦猶年少羽林  
輕騎散征行遙聞  
陌頭採桑曲狝勝  
邊地胡笳聲胡笳  
向暮使人泣還使  
閨中空佇立桃花  
落杏花舒桐生井  
底寒葉疎試為來  
看上林雁必有遙  
寄隴頭書

同前

庾 信

代北雲氣晝昏昏  
千里飛蓬無復根  
寒雁丁丁一作啞渡遼水  
桑葉紛紛落薊門  
晉陽山頭無箭竹  
疎勒城中乏水源  
屬國征戍久離居  
陽關音信絕能疎  
願得魯連飛一箭  
持寄思歸燕將書  
渡遼本自有將軍  
寒風蕭蕭生水紋  
妾驚甘泉足烽火  
君訝漁陽少陣雲  
自從將軍出細柳  
蕩子空牀難獨守  
盤龍明鏡餉秦嘉  
辟惡生香寄韓壽  
春分鷺來能幾日  
二月蠶

眠不復久洛陽遊絲百丈連黃河春冰千片穿桃花顏色好  
如馬榆莢新開巧似錢蒲桃一杯千日醉無事九轉學神仙  
定取金丹作幾服能令華表得千年

同前

高適

漢家烟塵在東北漢將辭家破殘賊男兒本自重橫行天子  
非常賜顏色擬金伐鼓下榆關旌旗逶迤碣石間校尉羽書  
飛瀚海單于獵火照狼山川蕭條極邊土胡騎憑凌雜風雨  
戰士軍前半死生美人帳下猶歌舞大漠窮秋塞草衰孤城  
落日鬪兵稀身當恩遇常輕敵力盡關山未解圍鐵衣遠戍  
辛勤久玉筋應啼別離後少婦城南欲斷腸征人薊北空迴  
首邊風飄飄那可度絕域蒼茫更何一作無有殺氣三日作陣  
雲寒聲一夜傳刁斗相看白刃血紛紛死節從來豈顧勲君  
不見沙場征戰苦至今猶憶李將軍

樂府詩集

同前

賈至

國之重鎮惟幽都東威九夷制北胡五軍精卒三十萬百戰  
百勝擒單于前臨滹沱後沮水崇山沃野亘千里昔時燕王  
重賢士黃金築臺從隗始倏忽興王定薊丘漢家又以封王  
侯蕭條魏晉為橫流鮮卑竊據朝五州我唐區夏餘十紀軍  
容武備赫萬祀彤弓黃鉞授元帥墾耕大漠為內地季秋膠  
折邊草腓治兵羽獵因出師千營萬隊連旌旗望之如火忽  
雷一作電馳匈奴懾竄窮髮北大荒萬里無塵飛隋家昔為天  
下宰窮兵贖武征遼海南風不競多死聲鼓卧旗折黃雲橫  
六軍將士皆死盡戰馬空鞍歸故營時遷道革天下平白環  
入貢滄海清自有農夫已高枕無勞校尉重橫行

同前

陶翰

請君留楚調聽我吟燕歌家在遼水頭邊風意氣多出身為

漢將正值戎未和雪中凌天山冰上渡文河大小百餘戰封侯竟蹉跎歸來霸陵下故舊無相過雄劍委塵匣空門唯雀羅玉簪還趙女寶瑟付齊娥昔日不為樂時哉今奈何

從軍行五首

王 粲

古今樂錄曰從軍行王僧虔云荀錄所載左延年苦哉一篇今不傳樂府解題曰從軍行皆軍旅苦辛之辭廣題曰左延年辭云苦哉邊地人一歲三從軍三子到燉煌二子詣隴西五子遠鬪去五婦皆懷身陳伏知道又有從軍五更轉從軍有苦樂但問所從誰所從神且武焉得久勞師相公征關右赫怒震天威一舉滅獯虜再舉服羗夷西收邊地賊忽若附拾遺陳賞越丘山酒肉踰川坻軍中多飫饒人馬皆溢肥徒行兼乘還空出有餘資拓地三千里往返一作一如

樂府詩集

若飛歌舞入鄴城所願獲無違書一作日獻處一作大朝日暮

薄言歸外參時明政內不廢家私禽獸憚為犧良苗實已揮竊慕負鼎翁願厲朽鈍姿不能效沮溺相隨把鋤犁熟墮夫子詩信知所言非涼一作源風厲秋節司典告詳刑我君順時

發柏栢東南征汎舟蓋長川陳卒被隰垆征夫懷親戚誰能無此戀一作情拊衿一作倚舟檣眷言思鄴城哀彼東山人喟

然感鸛鳴日月不安處人誰獲怕一作常寧昔人從公旦一征輒三齡今我神武師暨一作暫往必速平棄余親睦恩輸力竭

忠貞懼無一夫用報我素餐誠夙夜自忤性思逝若抽縈將秉先登羽豈敢聽金聲從軍征遐路討彼東南夷方舟順廣

川薄暮未安坻白日半西山桑梓有餘暉蟋蟀夾岸鳴孤鳥翩翩飛征夫心兩一作多懷一作惻悽愴令吾悲下船登高防草

露霑一作我衣迴身赴牀寢此愁當告誰身服干戈事豈得



念所私即戎有受命茲理不可違

朝發鄴都橋暮濟白馬津逍遙河隄上左右望我軍連舫踰  
萬艘帶甲千萬人率彼東南路將定一舉勲籌策運帷幄一  
由我聖君恨一作我無時謀譬諸具官臣鞠躬中堅內微畫  
無所陳許歷為完士一言猶一作獨敗秦我有素餐貴誠愧伐  
禮人雖無鈎刀用庶幾奮薄身

悠悠涉荒路靡靡我心愁四望無烟火但見林與丘城郭生  
榛棘蹊徑無所由蕉蒲竟廣澤葭葦夾長流日夕涼風發翩  
翩漂吾舟寒蟬在樹鳴鸛鵠摩天遊一作客子多悲傷淚下  
不可收朝入譙郡界曠然消人憂雞鳴達四境黍稷盈原疇  
館宅充廛一作里女士一作滿莊馘自非聖賢國誰能享斯  
休詩人美樂土雖客猶願留

同前

陸機

樂府詩集

苦哉遠征人飄飄窮四遐一作窮南陟五嶺巔北戍長城阿  
谿谷一作深一作深一作無底崇山鬱嵯峨奮臂攀喬木振迹涉流  
沙隆暑固已慘涼風嚴且苛夏條焦一作鮮藻寒冰結衝波  
胡馬如雲屯越旗亦星羅飛鋒無絕影鳴鏑自相和朝餐不  
免宵夕息常負戈苦哉遠征人拊心悲如何

同前

顏延年

苦哉遠征人畢力幹時艱秦初略揚越漢世爭陰山地廣旁  
無界岳阿上虧天嶠霧下高鳥冰沙固流川秋颯冬未至春  
液夏不涓閩烽指荆吳胡埃屬幽燕橫海咸飛驪絕漠皆控  
弦馳檄發章表軍書交塞邊接鏑赴陣首卷甲起行前羽驛  
馳無絕旌旗晝夜懸卧伺金柝響起候亭燧烟逝矣遠征人  
惜哉私自憐

同前二首

梁簡文帝

貳師惜善馬樓蘭貪漢財前年出右地今歲謝輪臺魚雲望  
旗聚龍沙隨陣開冰城朝浴鐵地道夜銜枚將軍號令密天  
子璽書催何時反舊里遙見下機來

雲中亭障障一作障羽檄驚甘泉烽火通夜明貳師將軍新築營

嫖姚校尉初出征復有山西將絕世愛一作受雄名三門應遁

甲五壘學神兵白雲隨陣一作旆色蒼山答鼓聲迤邐觀鷺翼

參差觀雁行先平小月陣却滅大宛城善馬還長樂黃金付

水衡小婦趙人能鼓瑟侍婢初笄解鄭聲庭前桃花一作柳絮飛

已一作欲合必應紅妝來起迎一作起

同前

梁元帝

寶劍飾龍淵長虹畫彩船山虛和饒管水淨寫樓船連鷄隨  
火度燧象帶烽然洞庭晚風急瀟湘夜月圓首令多文藻臨  
戎賦雅篇

樂府詩集

同前

沈約

惜哉征夫子憂恨良獨多浮天出鯤海東馬渡交河雲縈九  
折嶺風卷萬里波維舟無夕島秣驥乏平莎凌濤富驚沫援  
木闕坐蘿紅颺鳴壘嶼流雲照層阿玄埃晦朔馬白日照吳  
戈寢興流征怨寤寐起還歌晨裝豈輟驚夕壘詎淹和苦哉  
遠征人悲矣將如何

同前

戴嵩

長安夜刺閨胡騎白銅鞮詔書發隴右召募取關西劍懸三  
尺鞘鎧暴七重犀督軍鳴戰鼓遑夜數更輦侵星出柙塞際  
晚入榆溪秦涇含藥鳩晉火逐飛雞通泉開地道望敵豎雲  
梯陰山日不暮長城風自淒弓寒折錦韃馬凍滑斜蹄燕旗  
竿上晚羌笛管中嘶登山試下趙憑軾且平齊當今函谷上  
唯見一丸泥

同前

吳均

男兒亦可憐立功在北邊陣頭橫却月馬腹帶連錢懷戈發隴坻乘凍至遼邊微誠君不愛終自直如弦

同前二首

江淹

樽酒送征人踟躕在親宴日暮浮雲滋握手淚如霰悠悠清水天嘉魴得所薦而我在萬里結友不相見袖中有短書願寄雙飛燕

從軍出隴北長望陰山雲涇渭各流異恩情於此分故人贈寶劍鏤以瑤華文一言鳳獨立再說鸞無羣何得晨風起悠哉凌翠氛黃鵠去千里坐涕一作淚為報君

同前

蕭子顯

左角明王侵漢邊輕薄良家惡少年縱橫向沮澤凌厲取山田黃塵不見景飛蓬怕滿天邊功封浞野竊寵劫祁連春風

樂府詩集

春月將進酒妖姬舞女亂君前

同前

劉孝義

冠軍親俠射長平自合圍木落彫弓燥氣秋征馬肥賢王皆屈膝幕府復申威何謂從軍樂往返速如飛

同前

張正見

胡兵屯薊北漢將起山西故人輕百戰卿欲定三齊風前噴畫角雲上舞飛梯雁塞秋聲遠龍沙雲路迷燕然自可勒函谷詎須泥

將軍定朔邊刁斗出祁連高柝橫長塞榆關接連天井泉合陣竭風火映山然欲知客心斷旄旌萬里懸

同前

趙王一作周趙

遼東烽火照甘泉薊北亭障接燕然水凍菖蒲未生節關寒榆葉不成錢

同前

庾信

河圖論陣氣金匱辨星文地中鳴鼓角天上下將軍函犀怕  
七屬浴鐵本千羣飛梯聊度絳合弩擊凌汾寇陣先中斷妖  
營即兩分連烽對嶺度嘶馬隔河聞箭飛如疾雨城崩似壞  
雲英王於此戰何用武安君

同前二首

王褒

兵書久閑習征戰數曾經講戎平樂觀學戲羽林亭西征度  
踈勒東驅出井陘牧馬濱長渭營軍毒上涇平雲如陣色半  
月類城形羽書封信璽詔使動流星對岸流沙白綠河柳色  
青將幕怕臨斗旌門常背刑勲封瀚海石功勒燕然銘兵勢  
因麾下軍圖送掖庭誰憐下玉筋向暮掩金屏

黃河流水急驄馬送征人谷望河陽縣橋度小平津年

一作惡

少多遊俠結客好輕身代風愁櫪馬胡霜宜角筋羽書勞警

樂府詩集

急邊鞍倦苦辛康居因漢使盧龍稱魏臣荒戍唯看柳邊城  
不識春男兒重意氣無為羞賤貧

同前

盧思道

朔方烽火照甘泉長安飛將出祁連羣渠玉劔良家子白馬  
金羈俠少年平明偃月屯右地薄暮魚麗逐左賢谷中石虎  
經銜箭山上金人曾祭天天涯一去無窮已薊門迢遰三千  
里朝見馬嶺黃沙合夕望龍城陣雲起庭中竒樹已堪攀塞  
外征人殊未還白雲初下天山外浮雲直向五原間關山萬  
里不可越誰能坐對芳菲月流水本自斷人腸堅冰舊來傷  
馬骨邊庭節物與華異冬霰秋霜春不歇長風蕭瑟渡水來  
歸雁連連映天沒從軍行軍行萬里出龍庭單于渭橋今已  
拜將軍何處覓功名

同前

明餘慶

三邊烽亂驚十萬且橫行風卷常山陣笳喧細柳營  
劍花寒不落弓月曉逾明會取淮南地特作朔方城

樂府詩集卷第三十二終

樂府詩集卷第三十三

太原郭

茂倩

編次

相和歌

平調曲

從軍行二首

虞世南

塗山烽候驚弭節度龍城冀馬樓蘭將燕犀上谷兵劍寒花  
不落弓曉月逾明凜凜嚴霜節冰壯黃河絕蔽日卷征蓬浮  
天散飛雪全兵值月滿精騎乘膠折結髮早驅馳辛苦事旌  
麾馬凍重關冷輪推九折危獨有西山將年年屬數奇

燿

一作烽

火發金微連營出武威孤城寒雲起絕陣虜塵飛俠

客吸龍劍惡少縵胡衣朝摩骨都壘夜解谷蠡圍蕭關遠無  
極蒲海廣難依沙燈離旌斷晴川候馬歸交河梁已畢燕山  
旆欲飛方知萬里相侯服有光輝

樂府詩集

同前

駱賓王

平生一顧念

一作重

意氣溢三軍野日分戈影天星合劍文弓

弦抱漢月馬足踐胡塵不求生入塞唯當死報君

同前

劉希夷

秋來風瑟瑟羣胡馬行疾嚴城晝不開伏兵暗相失天子廟  
堂拜將軍玉門出紛々伊洛間戎馬數千匹軍門壓黃河兵氣  
衝白日平生懷伏劍忼慨既投筆南登漢月孤北走燕雲密  
近取韓彭計早知孫吳術丈夫清萬里誰能掃一室

同前

喬知之

南庭結白露北風掃黃葉此時鴻雁來驚鳴催思妾曲房理  
針線平砧擣文練鴛綺裁易成龍鄉信難見窈窕九重閨寂  
寞十年啼紗窻白雲宿羅幌月光棲雲月曉微微愁思流黃  
機玉霜凍珠履金吹薄羅衣漢家已得地君去將何事宛轉

結蠶書寂寞無雁使生平賀恩信本為容華進况復落紅顏  
蟬聲催綠鬢

同前

李頎

白日登山望烽火昏黃飲馬傍交河行人刁斗風砂暗公主  
琵琶幽怨多野營萬里無城郭雨雪紛紛連大漠胡雁哀鳴  
夜夜飛胡兒眼淚雙雙落聞道玉門猶被遮應將性命逐輕  
車年年戰骨埋荒外空見蒲萄入漢家

同前三首

李約

看圖閑教陣畫地靜論邊烏壘天西戍鷹姿塞上川路長須  
算日書遠每題年無復生還望思翻未別前  
柵高三面鬪箭盡舉烽頻營柳和烟暮關榆帶雪春邊城多  
老将磧路少歸人點盡三河卒年年添塞塵

樂府詩集

池淺秋深太白明嫖姚方虎視不覺請添兵

同前

戎昱

昔從李都尉雙鞬照馬蹄擒生黑山北殺敵黃雲西太白沈  
虜地邊草復萋萋歸來邯鄲市百尺青樓梯感激然諾重平  
生膽力齊芳筵莫歌發艷紛輕鬟低半醉秋風起鐵騎門前  
嘶遠戍報烽火孤城嚴鼓鼙揮鞭望塵去少婦莫含啼

同前

厲玄

邊草早不春劍花增濼塵廣場收驥尾清瀚怯龍鱗帆色已  
歸越松聲厭避秦幾時逢范蠡處是通津

同前二首

李白

從軍玉門道逐虜金微山笛奏梅花曲刀開明月環鼓聲鳴  
海上兵氣擁雲間願斬單于首長驅靜鐵關  
百戰沙場碎鐵衣城南已合數重圍突營射殺呼延將獨領

殘兵千騎歸

同前

王維

吹角動行人喧喧行人起笳鳴馬嘶亂爭渡金河水日暮沙  
漠坐戰聲烟塵裏盡繫名王頸歸來報天子

同前

王昌齡

向夕臨大荒朔風軫歸慮平沙萬里餘飛鳥宿何處虜騎獵  
長原翩翩傍河去邊聲搖白草海氣生黃霧百戰苦風塵十  
年履霜露雖投定遠筆未坐將軍樹早知行路難悔不理章  
句

烽火城西百尺樓黃昏獨上海風秋更吹橫笛關山月誰解  
金閨萬里愁

瑟瑟起舞換新聲總是關山舊別情撩亂邊愁彈不盡高高  
秋月照長

樂府詩集

青海長雲暗雪山孤城遙望雁一作門關黃沙百戰穿金甲  
不破樓蘭終不還

同前

盧綸

二十在邊城軍中得勇名卷旗收敗馬斷磧擁殘兵覆陣鳥  
鳶起燒山草木明一作鳴塞間思遠獵師老厭分營雪嶺無人  
跡冰河足一作有雁聲李陵甘此沒惆悵漢公卿

同前六首

劉長卿

迴看虜騎合城下漢兵稀白刃兩相向黃雲愁不飛手中無  
尺鐵徒欲突重圍

落日更蕭條北方動枯草將軍追虜騎夜失陰山道戰敗仍  
樹勳韓彭但空老

草枯秋塞上望見漁陽郭胡馬嘶一聲漢兵淚雙落誰為吮  
癰者此事令人薄



目極雁門道青青邊草春一身事征戰匹馬同辛勤末路成  
白首功歸天下人

倚劍白日莫望鄉登戍樓北風吹羌笛此夜關山愁迴首不  
無意滹河空自流

黃沙一萬里白首無人憐報國劍已折歸鄉身幸全單于古  
臺下邊色寒蒼然

同前

杜 頴

秋草馬蹄輕角弓持弦急去為龍城侯正值胡兵襲軍氣橫  
大荒戰酣日將入長風金鼓動白霧鐵衣溼四起愁邊聲南  
轅時佇立斷蓬孤自轉寒雁飛相及萬里雲沙漲路平冰霰  
澁夜聞漢使歸獨向刀環泣

同前

僧皎然

侯騎出紛紛元戎霍冠軍漢鞞秋聒地羌火晝燒雲萬里戎

樂府詩集

城合三邊羽檄分烏孫驅未盡肯顧遼陽勳

漢旆拂丹霄漢軍新破遠紅塵驅鹵簿白羽擁嫖姚戰苦軍

猶樂功高將不驕至今丁令塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破虜功

未錄勞師力已殫須防肘腋下飛禍出無端

飛將下天來竒謀聞外裁水心龍劍動地肺雁山開望氣燕

師銳當鋒虜陣摧從今射鵬騎不敢過雲堆

黃紙君王詔青泥校尉書誓師張虎落選將擐犀渠露暗津

浦失天寒塞柝疎橫行十萬騎欲掃虜塵餘

同前

王 建

漢軍逐單于日沒處河曲浮雲道傍起行子車下宿槍城圍

鼓角擅帳依山谷馬上懸壺漿刀頭分頓肉來時高堂上父

母親結束回一作首不見家風吹破衣服金瘡生肢節相與

拔取一作箭鏃聞道西涼州家、婦人哭

同前

張祐

少年金紫就光輝直指邊城虎翼飛一卷旌一作收千騎虜  
萬全身出百圍董黃雲斷塞尋鷹去白草連天射雁歸白首  
漢廷刀筆吏丈夫功業本相依

同前五首

令狐楚

荒雞隔水啼汗馬逐風嘶終日隨旌旆何時罷鼓鼙  
孤心眠夜雪滿眼是秋沙萬里猶防塞三年不見家  
却望冰河濶前登雪嶺高征人幾多在又擬戰臨洮  
胡風千里驚漢月五更明縱有還家夢猶聞出塞身一作  
聲

同前三首

王維

旌甲從軍久風雲議陣難今朝韓信計日下斬成安

樂府詩集

燕領多奇相狼頭敢犯邊寄言班定遠正是立功年  
旄頭夜落捷書飛來奏金門著賜衣白馬將軍頻破鏑黃龍  
戍卒幾時歸

從軍五更轉五首

伏知道

樂苑曰五更轉商調曲按伏知道已有從軍辭  
則五更轉蓋陳已前曲也

一更刁斗鳴校尉連連城遙聞射鵰騎懸憚將軍名  
二更愁未央高城寒夜長試將弓學月聊持劍比霜  
三更夜警新橫吹獨吟春彊聽梅花落誤憶柝園人  
四更星漢低落月與雲齊依稀北風裏胡笳雜馬嘶  
五更催送籌曉色映山頭城烏初起堞更人悄一作下樓

從軍有苦樂行

李益

魏王祭從軍行曰從軍有苦樂但問所從誰因

以為題也

勞者且勿歌我欲送君觴從軍有苦樂此曲樂未央僕本居  
起一作隴上隴水斷人腸東過秦宮路宮路入咸陽時逢漢帝  
出諫獵至長楊詎馳游俠窟非結少年場一旦承嘉惠輕命  
重恩光秉筆參帷帟從軍至朔方邊地多陰風草木自淒涼  
斷絕海雲去出沒胡沙長參差引雁翼隱鱗騰軍裝劔文夜  
如水馬汗凍成霜俠氣五都少矜功六郡良山河起目前睚  
眦死路傍北逐驅獯虜西臨復舊疆昔還賦餘資今出乃羸  
糧一矢致夏服我弓不再張寄言丈夫雄苦樂身自當

苦哉遠征人

鮑溶

晉陸機從軍行曰苦哉遠征人飄飄窮四遐宋  
顏延年從軍行曰苦哉遠征人畢力幹時艱蓋  
苦天下征伐也又有苦哉行遠征人皆出於從

樂府詩集

軍行也

征人歌古曲攜手上河梁李陵死別處杳杳玄冥鄉憶昔從  
此路連年征鬼方久行迷漢曆三洗氊衣裳百戰身且在微  
功信難忘遠承雲臺議非勢孰敢當落日弔李廣白身過河  
陽閉弓矢月影勞劍無龍光去日姑束髮今來髮成霜虛名  
乃閒事生見父母鄉掩抑大風歌徘徊少年場誠哉古人言  
烏盡良弓藏

苦哉行五首

戎昱

彼鼠侵我厨縱狸授梁肉鼠雖為君却狸食自須足冀雪大  
國耻翻是大國辱羶腥逼綺羅埽瓦雜珠玉登樓非騁望目  
笑是心哭何意天樂中至今奏胡曲

官軍收洛陽家住洛陽里夫婿與兄弟目前見傷死吞聲不  
許哭還遣衣羅綺上馬隨匈奴數秋黃塵裏生為名家女死

作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花壓昔年買  
奴僕奴僕來碎葉豈意未死間自為匈奴妾一生忽至此萬  
事痛苦業得出塞垣飛不如彼蜂蝶

妾家清河邊七葉承貂蟬身為最小女偏得渾家憐親戚不  
相識幽閨十五年有時最遠出祇到中門前前年狂胡來懼  
死翻生全今秋官軍至豈意遭戈鋌匈奴為先鋒長鼻黃髮  
拳彎弓獵生人百步牛羊羶脫身落虎口不及歸黃泉苦哉  
難重陳暗哭蒼蒼天

可汗奉親詔今月歸燕山忽如亂刀劍攬妾心腸間出戶望  
北荒迢迢玉門關生人為死別有去無時還漢月割妾心胡  
風凋妾顏去去斷絕魂叫天天不聞

遠征人

樂府詩集

黃河流水急驅馬送征人谷望河陽縣渡小平津

鞠歌行

陸機

古今樂錄曰王僧虔技錄平調又有鞠歌行今  
無歌者陸機序曰按漢宮閣有含章鞠室靈芝  
鞠室後漢馬防第宅卜臨道連閣通池鞠城彌  
於街路鞠歌將謂此也又東阿王詩連騎擊壤  
或謂蹴鞠乎三言七言雖奇寶名器不遇知己  
終不見重願逢知己以託意焉

朝雲升應龍攀乘風遠遊騰雲端鼓鍾歇豈自歡急弦高張  
思和彈時希值年夙愆循已雖易人知難王陽登貢公歡罕  
生既沒國子歎嗟千載豈虛言邈矣遠念情愴然

同前

謝靈運

德不孤必兮有鄰唱和之契冥相因譬如蚪虎兮來風雲亦

如形聲影響陳心歡賞兮歲易淪隱玉藏彩疇識真叔牙顯  
夷吾親郢既歿匠寢斤覽古籍信伊人永言知己感良辰

同前

謝惠連

翔馳騎伯樂不舉誰能知南荆璧萬金貨卞和不斷與石離  
年難留時易隕厲志莫賞徒勞疲沮齊音溺趙吹匠石善運  
郢不危古綿眇理參差單心慷慨雙淚垂

同前

李白

玉不自言如桃李魚目笑之卞和耻楚國青蠅何太多連城  
白璧遭讒毀荆山長號泣血人忠臣死爲刖足鬼聽曲知竊  
戚夷吾因小妻秦穆五羊皮買死百里奚洗拂青雲上當時  
賤如泥朝歌鼓刀叟虎變蟠溪中一舉釣六合遂荒營丘東  
平生渭水曲誰識一作數此老翁奈何今之人雙目送征一作飛  
鴻

樂府詩集

清調曲

古今樂錄曰王僧虔技錄清調有六曲一苦寒  
行二豫章行三董逃行四相逢狹路間行五塘  
上行六秋胡行荀氏錄所載九曲傳者五曲晉  
宋齊所歌今不歌武帝北上苦寒行上謁董逃  
行蒲生上行晨上願登竝秋胡行是也其四曲  
今不傳明帝悠悠苦寒行古辭白楊豫章行武  
帝白日董逃行古辭相逢狹路間行是也其器  
有笙笛下聲弄高弄遊弄箎節琴瑟箏琵琶八  
種歌弦四弦張永錄云未歌之前有五部弦又  
在弄後晉宋齊止四器也

苦寒行二首六解

魏文帝

樂府解題曰晉樂奏魏武帝北上篇備言冰雪

谿谷之苦其後或謂之北上行蓋因武帝辭而擬之也

北上太行山艱哉何巍巍太行山艱哉何巍巍羊腸坂詰曲車輪為之摧解一樹木何蕭瑟北風聲正悲何蕭瑟北風聲正悲熊羆對我蹲虎豹夾道啼解二谿谷少人民雪落何霏霏少人民雪落何霏霏延頸長歎息遠行多所懷解三我心何怫鬱思欲一東歸何怫鬱思欲一東歸水深橋梁絕中道正徘徊解四迷惑失徑路暝無所宿棲失徑路暝無所宿棲行行日以遠人馬同時飢解五擔囊行取薪斧冰持作糜擔囊行取薪斧冰持作糜悲彼東山詩悠悠使我哀解六

右一曲晉樂所奏

北上太行山艱哉何巍巍羊腸坂詰屈車輪為之摧樹木何蕭瑟北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何怫鬱思欲一東歸水深橋梁絕中路正徘徊迷惑失故路薄算無宿棲行行日已遠人馬同時飢擔囊行取薪斧冰持作糜悲彼東山詩悠悠令我哀

樂府詩集

右一曲本辭

苦寒行五解

魏明帝

悠悠發洛都并我征東行悠悠發洛都非我征東行征行彌二旬屯吹龍陂城解一顧觀故壘處皇祖之所營故壘處皇祖之所營屋室若平昔棟宇無邪傾解二奈何我皇祖潛德隱聖形我皇祖潛德隱聖形雖沒而不朽書貴垂休名解三光光我皇祖軒曜同其榮我皇祖軒曜同其榮遺化布四海八表以肅清解四雖有吳蜀寇春秋足耀兵徒悲我皇祖不永享百齡賦詩以寫懷伏軾淚霑纓解五

右一曲晉樂所奏

同前

陸機

北遊幽朔城涼野多險艱俯入穹谷底仰陟高山盤凝冰結  
重礪積雪被長巒陰雲興巖側悲風鳴樹端不覩白日景但  
聞寒鳥嚙猛虎憑林嘯玄猿臨岸歎夕宿喬木下慘一作慘  
怕鮮歡渴飲堅冰漿饑待一作飢零露餐離思固已矣寤寐莫  
與言劇哉行役人慊慊怕苦寒

同前

謝靈運

歲歲曾冰食紛紛霰雪落浮陽滅清暉寒禽叫悲壑飢爨烟  
不興渴汲水枯涸

前苦寒行二首

杜甫

漢時長安雪一丈牛馬毛寒縮如蝟楚江巫峽冰入懷虎豹  
哀號又堪記秦城老翁荆揚客慣習炎蒸歲絺綌玄冥祝融

樂府詩集

氣或交手持白羽未敢釋

去年白帝雪在山今年白帝雪在地凍埋蛟龍南浦縮寒刮  
肌膚北風利楚人四時皆麻衣楚天萬里無晶輝三足之鳥  
足恐斷羲和送將安所歸

後苦寒行二首

杜甫

南紀巫廬瘴不絕太古已來無尺雪蠻夷長老怨苦寒崑崙  
天關凍應折玄猿口噤不能嘯白鵠翅垂眼流血安得春泥  
浦地裂

晚來江門失大木猛風中夜吹白屋天兵斷斬青海戎殺氣  
南行動坤軸不爾苦寒何太酷巴東之峽生凌澌彼蒼迴軒  
人得知一作海梅

苦寒行

劉駕

嚴寒動八荒荊荊無休時陽鳥不自暖雪壓扶桑枝歲暮寒

益壯青春安得歸朔雁到南海越禽何處飛誰言貧士歎不為身無衣

同前

僧貫休

北風北風職何嚴毒催壯士心縮金烏足凍雲囂囂礙雪一片下不得聲遠枯桑根在沙塞黃河徹底頑直到海一氣搏東萬物無態唯有吾庭前杉松樹枝枝健在

同前

僧齊己

冰峰撐空寒轟轟雲凝水凍埋海陸殺物之性傷人之慾既不能斷絕蒺藜荆棘之根株又不能展鳳凰麒麟之拳跼如此則何如為和煦為膏雨自然天下之榮枯融融於萬戶

吁嗟篇

曹植

樂府解題曰曹植擬苦寒行為吁嗟

吁嗟此轉蓬居世何獨然長去本根逝夙夜無休閒東西經

樂府詩集

七陌南北越九千卒遇回風起吹我入雲間自謂終天路忽然下沉淵驚飈接我出故歸彼中田當南而更北謂東而反西宕宕當何依忽亡而復存飄飄周八澤連翩歷五山流轉無怕處誰知吾苦艱願為中林草秋隨野火燔糜滅豈不痛願與林葉連

北上行

李白

北上何所苦北上緣太行磴道盤且峻崕巖凌穹蒼馬足蹶側石車輪摧高崗沙塵接幽州烽火連朔方殺氣毒劍戟嚴風裂衣裳奔鯨夾黃河鑿齒屯洛陽前行無歸日返顧思舊鄉慘戚冰雪裏悲號絕中腸尺布不掩體皮膚劇枯桑汲水澗谷阻採薪隴坂長猛虎又掉尾磨牙皓秋霜草木不可飡飢飲零露漿歎此北上苦停驂為之傷何日王道平開顏覩天光



樂府詩集卷第三十三終

樂府詩集

樂府詩集卷第三十四

太原郭

茂倩

編次

相和歌辭

清調曲

豫章行

古辭

古今樂錄曰豫章行王僧虔云荀錄所載古白  
楊一篇今不傳樂府解題曰陸機汎舟清川渚  
謝靈運出宿告密親皆傷離別言壽短景馳容  
華不久傳玄苦相篇云苦相身為女言盡力於  
人終以華落見棄亦題曰豫章行也豫章漢郡  
邑地名

白陽初生時乃在豫章山上葉摩青雲下根通黃泉涼秋八  
九月山客持斧斤我何皎皎梯落根株已斷絕

樂府詩集

顛倒巖石間大匠持斧繩鋸墨齊兩端一驅四五里枝葉自  
捐會為舟船蟠身在洛陽宮根在豫章山多謝  
枝與葉何時復相連吾生百年自俱何意萬人巧  
使我離根株

右一曲晉樂所奏

豫章行二首

曹植

樂府解題曰曹植擬豫章為窮達

窮達難豫圖禍福信亦然虞舜不逢堯耕耘處中田太公未  
遭文漁釣涇渭川不見魯孔丘窮困陳蔡間周公下白屋天  
下稱其賢

鴛鴦自用親不苦比翼連他人雖同盟骨肉天性然周公穆  
康叔管蔡則流言子臧讓千乘季札慕其賢

豫章行苦相篇

傳玄

苦相身為女卑陋難再陳兒男一作男兒當門戶墮地自生神雄  
心志四海萬里望風塵女育無欣愛不為家所珍長大逃深  
室藏頭羞見人無淚適他鄉忽如雨絕雲低頭和顏色素齒  
結朱脣跪拜無復數婢妾如嚴賓情合同雲漢葵藿仰陽春  
心乖甚水火百惡集其身玉顏隨年變丈夫多好新昔為形  
與影今為胡與秦胡秦時相見一絕踰參辰

豫章行

陸機

汎舟清川渚遙望高

一作南

山陰川陸殊途

一作陸

軌懿親將遠

尋三荆歡同株四鳥悲異林樂會良自古悼別豈獨今寄世  
將幾何日曷無停陰前路既已多後途隨年侵促促薄暮景  
疊疊鮮克禁曷為復以茲曾是懷苦心遠節嬰物淺近情能  
不深行矣保嘉福景絕繼以音

同前

謝靈運

樂府詩集

短生旅長世恒覺白日歌覽鏡睨積容華顏豈久期苟無迴  
戈術坐觀落崦嵫

同前

謝惠連

軒帆朔遙路薄送瞰遐江舟車理殊緬密友將遠從九里樂  
同潤二華念分峰集歡豈今發離歎自古鍾促生靡緩期迅  
景無遲蹤緇髮迫多素憔悴謝華羊婉婉寡留晷窈窕閉淹  
龍如何阻行止憤愠結心胸既微達者度歡戚誰能封願子  
保淑慎良訊代徽容

同前

沈約

燕陵平而遠易河清且駛一見塵波阻臨途引征思雙劍愛  
匣同孤鸞悲影異宴言誠易纂清訶信難嗣卧聞夕鍾急坐  
閱朝光亟往歡墜壯心來戚滿衰志殂芳無再馥淪灰定還  
熾夏臺尚可忘榮辱亦奚事愧微曠士節徒感鄙生餌勞哉

納辰和地遠託聲寄

同前

薛道衡

江南地遠接閩甌東山英妙屢經遊  
前瞻疊障千重阻却帶驚湍萬里流  
楓葉朝飛向京洛文魚夜過歷吳洲  
君行遠度茱萸嶺妾住長依明月樓  
樓中愁思不開嘔始復臨牕望早春  
鶯鶯水上萍初合鳴鶴園中花併新  
空憶常時角枕處無復前日畫眉人  
照骨金環誰用許見膽明鏡自生塵  
蕩子從來好留滯况復關山遠迢遞  
當學織女嫁牽牛莫學姮娥叛夫婿  
偏訝思君無限極欲罷欲忘還復憶  
願作王母三青鳥飛來飛去傳消息  
豐城雙劍昔曾離經年累月復相隨  
不畏將軍成夕別只恐封侯心更移

同前

李白

胡風吹代馬

一作燕人攢志月

北擁魯陽關吳兵照海雪西討何時

樂府詩集

還半渡上遼津黃雲慘無顏老母與子別呼天野草間白馬一作鳥繞旌旗悲鳴相追攀白楊秋月苦早落豫章山本為休明人斬虜素不閑豈惜戰鬪死為君掃兇頑精感百沒羽豈亡憚險艱樓船若鯨飛波蕩落星灣此曲不可奏三軍鬢成斑

董逃行五解

古辭

崔豹古今注曰董逃歌後漢游童所作也終有董卓作亂卒以逃亡後人習之為歌章樂府奏之以為傲誠焉後漢書五行志曰靈帝中平中京都歌曰承樂世董逃遊四郭董逃蒙天恩董逃帶金紫董逃行謝恩董逃整車騎董逃墜欲發董逃與中辭董逃出西門董逃瞻宮殿董逃望京城董逃日夜絕董逃心摧傷董逃案董謂

董卓也言欲

雖一作

跋扈縱有殘暴終歸逃竄至

於滅族也風俗通曰卓以董逃之歌主為已發

太禁絕之楊阜董卓傳曰卓改董逃為董安樂

府解題曰古詞云吾欲上謁從高山山頭危險

火難言言五岳之上皆以黃金為宮闕而多靈

獸仙草可以求長生不死之術令天神擁護君上

以壽考也若陸機和風習習薄林謝靈運春虹

散彩銀河但言節物芳華可及時行樂無使徂

齡坐徙而已晉傳玄有歷九秋篇十二章具叙

夫婦別離之思亦題云董逃行未詳

吾欲上謁從高山山頭危嶮大難言遙望五嶽端黃金為闕

班璘但見芝草葉落紛紛解一百鳥集來如烟山獸紛綸麟辟

邪其端鷓鴣雞聲鳴但見山獸援戲相拘攀解二小復前行玉堂

樂府詩集

未心懷流還傳教出門來門外人何求所言欲從聖道求一

得命延解三教敕凡吏受言採取神藥若木端白兔長跪搗藥

蝦蟇丸奉上陛下玉梓服此藥可得神仙解四服爾神藥莫

不歡喜陛下長生老壽四面肅肅稽首天神擁護左右陛下

長與天相保守解五

### 董逃行歷九秋篇

傳玄

歷九秋兮三春遺貴客兮遠賓顧多君心所親乃命妙妓才

人炳若日月星辰其一序金壘兮玉觴賓主遞起寫行杯若飛

電絕光交觴接卮結裳慷慨歡笑萬方其二奏新詩兮夫君爛

然虎變龍文渾如天地未分齊謳楚舞紛紛歌聲上激青雲

其三窮八音兮異倫竒聲靡靡每新微披素齒丹脣逸響飛薄

梁塵精爽眇眇入神其四坐咸醉兮沾歡引樽促席臨軒進爵

獻壽翻翻千秋要君一言願愛不移若山其五君恩愛兮不竭

譬若朝日夕月此景萬里不絕長保初醮結髮何憂坐胡越  
其六攜弱手兮金環上遊飛閣雲間穆若鴛鳳燕一作鸞還幸蘭  
房自安娛心樂意難原其七樂既極兮多懷盛時忽逝若頽寒  
暑革御景迴春榮隨風飄摧感物動心增哀其八妾受命兮孤  
虛男兒隨一作墮地稱姝女弱難存若無骨肉至親更疏奉事  
他人託軀其九君如影兮隨形賤妾如水浮萍明月不能常盈  
誰能無根保榮良時冉冉代征其十顧繡領兮含暉皎日迴光  
則微朱華忽示漸衰影欲捨形高飛誰言往思可追其十一薺  
與麥兮夏零蘭桂踐履一作霜逾馨祿命懸天難明妾心結意  
丹青何憂君心中傾其十二

董逃行

陸機

和風習習薄林柔條布葉垂陰鳴鳩拂羽相尋倉鷓啾啾弄  
音感時悼逝傷心日月相追周旋萬里儵忽幾年人皆冉冉

樂府詩集

西遷盛時一往不還慷慨乖念悽然昔為少年無憂常怪秉  
燭夜遊翩翩宵征何求於今知此有由但為老去年道盛固  
有衰不疑長夜冥冥無期何不驅馳及時聊樂永日自怡齋  
此遺情何之人生居世為安豈若及時為驩世道多故萬端  
憂慮紛錯交頽老行及之長歎

同前

元稹

董逃董逃董卓逃措鏗戈甲聲勞嘈剌剌深臍脂焰焰人皆  
數歎曰爾獨不憶年年取我身上膏膏銷骨盡烟火死長安  
城中賊毛起城門四走公卿士走勸劉虞作天子劉虞不敢  
作天子曹瞞篡亂從此始董逃董逃人莫喜勝負翻一作環  
相枕倚縫綴難成裁破易何況曲針不能伸巧指欲學裁縫  
須准擬

同前

張籍

洛陽城頭火燿燿亂兵燒我天子宮宮城南面有深山盡將  
老幼藏其間重巖為屋椽為食丁男夜行候消息聞道官軍  
猶掠人舊里如今歸未得董逃行漢家幾時重太平

相逢行

古辭

一曰相逢狹路間行亦曰長安有狹斜行樂府  
解題曰古詞文意與雞鳴曲同晉陸機長安狹  
斜行云伊洛有歧路歧路交朱輪則言世路險  
狹邪僻正直之士無所措手足矣唐李賀有難  
忘曲亦出於此

相逢狹路間道隘不容車不知何年少夾轂問君家君家誠  
易知易知復難忘黃金為君門白玉為君堂堂上置樽酒作  
使邯鄲倡中庭生桂樹華燈何煌煌兄弟兩三人中子為侍  
郎五日一來歸道上自生光黃金絡馬頭觀者盈道傍入門

樂府詩集

時左顧但見雙鴛鴦鴛鴦七十二羅列自成行音聲何噉噉  
鶴鳴東西廂大婦織綺羅中婦織流黃小婦無所為挾瑟上  
高堂文人且安坐調絲方未央一作調絲未遽央

右一曲晉樂所奏

同前

謝惠連

行行即長道道長息班草邂逅賞心人與我傾懷抱夷世信  
難值憂來傷人平生不可保陽華與春渥陰柯長秋槁心慨  
榮去速情苦憂來早日華難久居憂來傷人諄諄亦至老親  
黨近卹庇昵君不常好九族悲素霰三良怨黃鳥邇來白即  
頽憂來傷人近繡潔必造水流理就溼火炎同歸燥賞契少  
能諧斷金斷可寶千計莫適從萬端信紛繞巢林宜擇木結  
友使心曉心曉形迹略略邈誰能了相逢既若舊憂來傷人  
片言代紵縞

同前

張率

相逢夕陰街獨趨尚冠里高門既如一甲第復相似憑軾日  
欲昏何處訪公子公子之所在所在良易知青樓上路漸  
臺臨曲池堂上撫流徽雷罇朝夕施橘柚分華實朱火燎金  
枝兄弟兩三人冠珮一作紛陸離朝從禁中出車騎竝驅馳  
金鞍馬腦勒聚觀路傍兒入門一顧望鳧鵠有雄雌雄雌各  
數千相鳴戲羽儀竝在東西立羣次何離離大婦刺方領中  
婦抱嬰兒小婦尚嬌稚端坐吹參差文人無遽起神鳳且來  
儀

同前

崔顥

妾年初二八家住洛橋頭玉戶臨馳道朱門近御溝使君何  
假問夫婿大長秋女弟新承寵諸兄近拜侯春生百子殿花  
發一作五城樓出入千門裏年年樂未休

樂府詩集

同前二首

李白

朝騎五花馬謁帝出銀臺秀色誰家子雲車一作珠箔開金  
鞭遙指點玉勒近遲回夾轂相借問疑一作從天上來憐腸  
愁欲斷斜日復相催下車何輕盈飄然似落梅邀入青綺門  
當歌共銜杯一作珮一作嬌羞一作初解銜杯映歌扇似月雲中見相見  
不相親不如不相見相見情已深未語可知心胡為守空閨  
孤眠愁錦衾錦衾與羅幃纏綿會有時春風正澹蕩暮雨來  
何遲一作青鳥一作來一作何遲願因三青鳥更報長相思光景不待人  
須更髮成絲當年失行樂老去徒傷悲持此道密意無令曠  
佳期

相逢紅塵內高揖黃金鞭萬戶垂楊裏君家阿那邊

同前

韋應物

二十登漢朝英聲邁今古適從東方來又欲謁明主猶酣新



豐酒尚帶灞陵雨邂逅兩相逢別來間寒暑寧知白日晚暫  
向花間語忽聞長樂鐘走馬東西去

相逢狹路間

孔欣

相逢狹路間道狹正踟躕如何不羣士行吟戲路衢輟步相  
與言君行欲馬如高朴久已凋榮利迭相驅流落尚風波人  
情多遷渝勢集堂必滿運去庭亦虛競趨嘗不暇誰肯眷桑  
樞無為肆獨往只將困淪胥未若及初九攜手歸田廬躬耕  
東山畔樂道詠玄書狹路安足遊方外可寄娛

同前

梁昭明太子

京華有曲巷曲曲不通輿道逢一俠客緣路間君居君居在  
城北可尋復易知朱門間皓壁刻桷映晨離階植若華草光  
影逐飈移輕幘委四壁蘭膏然百枝長子飾青紫中子任以  
貲小子始總角方作啼弄兒三子俱入門赫奕盛羽儀華駟  
服衡轡白玉鏤鞵羈容止同規矩賓從盡恭卑雅鄭時間作  
孤竹乍參差雲飛離水宿弄吭滿青池懽樂無終極流目豈  
知疲門下非毛遂坐上盡英竒大婦成貝錦中婦飾粉絕小  
婦獨無事理曲步簷坐丈人暫徙倚行使流風吹

同前

沈約

相逢洛陽道繫聲流水車路逢輕薄子竚立問君家君家誠  
易知易知復易憶龍馬滿街衢飛蓋交門側大子萬戶侯中  
子飛而食小子始從官朝夕溫省直三子俱入門赫奕多羽  
翼若若青組紆烟烟金璫色大婦繞梁歌中婦迴文織小婦  
獨無事閉戶聊且即綠綺試一彈玄鶴方鼓翼

同前

劉孺

送君追避路路狹曖朝霧三危上蔽日九折杳連雲枝交憶  
不見聽靜吹纔聞豈伊歎道遠亦迺泣塗分况茲別親愛情

念切離羣

同前

劉遵

春晚駕香車交輪礙狹斜所恐惟風入疑傷步搖花含羞隱  
年少何因問妾家青樓臨上路相期覺路賒

同前

隋李德林

天衢號九經冠蓋恒縱橫忽逢懷刺客相尋欲逐名我住河  
陽浦開門望帝城金臺遠猶出玉觀夜怕明筵羞太官膳酒釀  
步兵營懸牀接高士隔帳授諸生流水琴前韻飛塵歌後輕  
大子難為弟中子難為兄小子輕財利實見陶朱情龍軒照  
人轉驥馬噓天門入門俱有說至道勝金籛出門會親友天  
官奏德星大婦訓端木中婦誨劉靈小婦南山下擊缶和秦  
箏羣賓莫有戲燈來告絕纓

樂府詩集

樂府詩集卷第三十四終

樂府詩集卷第三十五

太原郭

茂倩

編次

相和歌辭

清調曲

長安有狹斜行

古辭

長安有狹斜斜斜不容車適逢兩少年挾轂問君家君家新市  
傍易知復難忘大子二千石中子孝廉郎小子無官職衣冠仕洛  
陽三子俱入室室中自生光大婦織綺紵一作羅中婦織流黃  
小婦無所為挾琴上高堂丈夫且徐徐調絃詎未央

同前

晉陸機

伊洛有歧路歧路交朱輪輕蓋承華景騰步躡飛塵鳴玉豈  
樸儒馮軾皆俊民烈心厲勁秋麗服鮮芳春余本倦游客慕  
彥多舊親傾蓋承芳訊欲鳴當及晨守一不足矜歧路良可  
遵規行無曠迹矩步豈逮人投足緒已爾四時不必循將遂  
殊塗軌要子同歸津

樂府詩集卷三十五

同前

同前

宋謝惠連

紀郢有通達通達並軒車帝帝雕輪馳軒軒翠蓋舒撰策之  
五尹振轡從三閭推劔馮前軾鳴佩專後輿

同前

宋荀昶

朝發邯鄲邑暮宿井陘間井陘一何狹車馬不得旋邂逅相  
逢值崎嶇交一言一言不容多伏軾問君家君家誠易知易  
知復易博南面平原居北趣相如閣飛樓臨夕都通門枕華  
郭入門無所見但見雙栖鶴栖鶴數十雙鴛鴦羣相追大兄  
珥金璫中兄振纓綬一作中兄伏臘一來歸隣里生光輝小  
弟無所為鬪鷄東陌達大婦織紵綺中婦縫羅衣小婦無所  
作挾瑟弄音徽文人且却坐梁塵將欲飛



同前

梁武帝

洛陽有曲陌曲曲不通驛忽遇二少童扶轡問君宅我宅都  
鄆右易憶復可知大息組網緼中息佩陸離小息尚青綺總  
角遊南皮三息俱入門家臣拜門垂三息俱升堂旨酒盈千  
卮三息俱入戶戶內有光儀大婦理金翠中婦事玉觴小婦  
獨閑暇調笙遊曲池丈人少裴回鳳吹方參差

同前

梁簡文帝

長安有徑塗徑徑不通輿道逢雙總非扶輪問我居我居青  
門北可憶復易津大息騫金勒中息割黃銀小息始得意黃  
頭作弄臣三息俱入門雅志揚清塵三息俱上堂觴肴滿四  
陳三息俱入戶照耀光容新大婦舒綺網中婦拂羅巾小婦  
最容冶映鏡學嬌嘖丈人且安坐清謳出絳脣

同前

梁沈約

青槐金陵柏丹轂貴遊士方驂萬乘臣炫服千金子咸陽不  
足稱臨淄孰能擬

同前

梁庾肩吾

長安曲陌坂曲曲不容憶路逢雙綺襦問君居近遠我居臨  
御溝可識不可求長子登麟閣次子侍龍樓少子無高位聊  
從金馬遊三子俱來下左右若川流三子俱來入高軒映彩  
旒三子俱來宴玉柱擊清甌大婦褰雲裘中婦卷羅幃少婦  
多妖豔花鈿繫石榴夫君且安坐歡娛方未周

同前

梁王罔

名都馳道傍華轂亂鏘鏘道逢佳麗子問我居何鄉我家洛  
川上甲第遙相望珠扉玳瑁牀綺席流蘇帳天子執金吾次  
子中郎將小子陪金馬遨遊蔑卿相三子俱休沐風流鬱何  
壯三子俱會同肅雍多禮讓三子俱還室絲管紛寒亮大婦

裁舞衣中婦學清唱小婦窺鏡影弄此朝霞狀佳人且少留  
為君繞梁唱

同前

梁徐防

長安有勾曲勾勾不通駟塗逢二綺衣夾路訪君室君室近  
霸城易識復知名大息登金馬中息謁承明小息偏愛幸走  
馬曳長纓三息俱入門車服盡雕輕三息俱上堂嘉賓四座  
盈三息俱入戶室內有光榮大婦縑始呈中婦繡初營小婦  
多姿媚紅紗映削成上客且安坐胡牀妾自孽

同前

陳張正見

少年重遊俠長安有狹斜路窄時容馬枝高易度車簷高同  
落照巷小共飛花相逢夾繡轂借問是誰家

同前

周王褒

威紆狹邪道車騎動相喧博徒稱劇孟遊俠號王孫勢傾魏

樂府詩集三十五

三

王詠

侯府交盡翟公門路邪勞夾轂塗艱倦折轅日斜宣曲觀春  
還御宿園塗歌楊柳曲巷飲榴花樽獨有遊梁倦還守孝文園

三婦豔詩

宋劉鑠

大婦裁霧縠中婦牒冰練小婦端清景含歌登玉殿文人且  
徘徊臨風傷流霰

同前

齊王融

大婦織綺羅一作縑中婦織流黃小婦獨無事挾瑟一作琴上高  
堂丈夫一作人且安坐調弦詎未央一作未渠央

同前

梁昭明太子

大婦舞輕巾中婦拂華茵小婦獨無事紅黛潤芳津良人且  
高卧方欲薦梁塵

同前

沈約

大婦拂玉匣中婦結珠帷小婦獨無事對鏡理蛾眉良人且

安卧夜長方自私

同前

梁王筠

大婦留芳褥中婦對華燭小婦獨無事當軒理清曲丈人且安卧豔歌方斷續

同前

梁吳均

大婦弦初切中婦管方吹小婦多姿態含笑逼清卮佳人勿餘及慇懃妾自知

同前

梁劉孝綽

大婦縫羅裙中婦料繡文唯餘最小婦窈窕舞昭君丈人慎勿去聽我駐浮雲

同前十一首

陳後主

大婦避秋風中婦夜牀空小婦初兩髻含嬌新臉紅得意非霰日可憐那可同

樂府詩集卷三十五

四

毛韻

大婦西北樓中婦南陌頭小婦初妝點回眉對月鈎可憐還自覺人看反更著

大婦主一作弄縑機中婦裁春衣小婦新妝冶拂匣動琴徽長夜理清曲餘嬌且未歸

大婦妬蛾眉中婦逐春時小婦最季少相望卷羅帷羅帷夜寒卷相望人來遲

大婦上高樓中婦蕩蓮舟小婦獨無事撥帳掩嬌羞丈夫應自解更深難道留

大婦初調箏中婦飲歌聲小婦春妝罷弄月當宵楹季子時將意相看不用爭

大婦愛恒偏中婦意長堅小婦獨嬌笑新來華燭前新來誠可惑爲許得新憐

大婦酌金盃中婦照妝臺小婦偏妖冶下砌折新梅衆中何

假問人今最後來

大婦怨空閨中婦夜偷啼小婦獨含笑正柱作烏棲河低帳未掩夜夜盡眉齊

大婦正當壚中婦裁羅襦小婦獨無事淇上待吳姝烏歸花復落欲去却踟躕

大婦年十五中婦當春戶小婦正橫陳含嬌情未吐所愁曉漏促不恨燈銷炷

同前

張正見

大婦織殘絲中婦妬蛾眉小婦獨無事歌罷詠新詩上客何須起為待絕纓時

同前

唐董思恭

大婦裁紈素中婦弄明璫小婦多姿態登樓紅粉妝丈人且安坐初日漸流光

樂府詩集卷三十五

五

高才

同前

唐王紹宗

大婦能調瑟中婦詠新詩小婦獨無事花庭曳履綦上客且安坐春日正遲遲

中婦織流黃

梁簡文帝

翻花滿階砌愁人獨上機浮雲西北起孔雀東南飛調絲時繞腕易鐻乍牽衣鳴梭逐動釧紅妝映落暉

同前

陳徐陵

落花還井上春機當戶前帶衫行障口覓釧枕檀邊數鐻經無亂新漿緯易牽蜘蛛夜伴織百舌曉驚眠封用黎陽七書因計吏船欲知夫婿處今督水衡錢

同前

陳盧詢

別人心已怨愁空日復斜然香望韓壽磨鏡待秦嘉殘絲愁績爛餘織恐嫌賒支機一片石緩轉獨輪車下簾還憶月挑

燈更惜花似天河上景春時織女家

同前

寒閨織素錦含怨歛雙蛾綜新交縷澗舉袖釧動應鳴梭還恐裁縫罷無信達交河

難忘曲

李賀

夾道開洞門弱楊低畫戟簾影竹葉起簫聲吹日色蜂語繞  
妝鏡拂蛾學春碧亂繫丁香梢滿欄花向夕

塘上行五解

魏武帝

鄴都故事曰魏文帝甄皇后中山無極人袁紹據鄴與中子熙娶后為妻後太祖破紹文帝時為太子遂以後為夫人后為郭皇后所譖文帝賜死後宮臨終為詩曰蒲生我池中綠葉何離離豈無蒹葭艾與君生別離莫以賢豪故弃捐

樂府詩集卷六十三

六

李古

素所愛莫以麻枲賤弃捐管與蒯莫以魚肉賤弃捐葱與薤歌錄曰塘上行古辭或云甄皇后造樂府解題曰前志云晉樂奏魏武帝蒲生篇而諸集錄皆言其詞文帝甄后所作歎以讒訴見棄猶幸得新好不遺故惡焉晉陸機江蘇生幽渚言婦人衰老失寵行於塘上而為此歌與古辭同意

古辭同意

蒲生我池中蒲生我池中其葉何離離傍能行人儀莫能縷自知眾口鑠黃金使君生離別解一念君去我時念君去我時獨愁常苦悲想見君顏色感結傷心脾今悉夜夜愁不

莫用豪賢故莫用豪賢故棄捐素所愛

與薤莫用麻枲賤棄捐管與蒯解三倍解四

蹶船常苦沒教君安息定慎莫致倉卒念與公



當何時共坐復相對四解出亦復苦愁出亦復苦  
愁邊地多悲風樹木何蕭蕭今日樂垣

右一曲晉樂所奏

蒲生我池中其葉何離離傍能行仁義莫若妾自知衆  
黃金使君生別離念君去我時獨愁常苦悲想見君顏色感  
結傷心脾念君常苦悲夜夜不能寐莫以豪賢故棄捐素所  
愛莫以魚肉賤棄捐葱與薤莫以麻泉賤棄捐管與蒯出亦  
復苦愁入亦復苦愁邊地多悲風樹木何脩脩從君致獨樂  
延年壽千秋

右一曲本辭

同前

陸機

江籬生幽渚微芳不足宣被蒙風雨會移居華池邊發藻玉  
臺下垂影滄浪泉一作霑潤既已渥結根奧且堅四節逝不

梁所詩集卷三十五

十

結

處繁華難久鮮淑氣與時殞餘芳隨風捐天道有遷易人理  
無常金勇權智傾愚女愛衰避妍不惜微軀退恒懼蒼蠅前願  
君廣末光照妾薄暮年

同前

謝惠連

芳萱秀陵阿菲質不足營幸有忘憂用移根託君庭垂穎臨  
清池擢彩仰華蕙霑渥雲雨潤歲蕤吐芳馨願君春傾葉留  
景惠餘明

塘上行苦辛篇

梁劉孝威

蒲生伊何陳曲中多苦辛黃金坐銷鑠白玉遂淄磷裂衣工  
毀嫡掩袖切讒新嫌成跡易已愛去理難申秦雲猶變  
日尚迴輪妾歌已唱斷君心終未親

塘上行

藕花涼露濕花缺藕根溼飛下雌鴛鴦唐水設

蒲生行浮萍篇

魏

浮萍寄清水隨風東西流結髮辭嚴朝  
朝夕無端獲罪尤在昔蒙恩惠和樂如  
若商與參茱萸自有芳不若桂與蘭新人雖可愛無若  
歡行雲有返期君恩儻中還慊慊仰天歎愁心將何愜日月  
不恒處人生忽若寓悲風來入懷淚下如垂露發篋造裳衣  
裁縫紉與素

蒲生行

齊謝朓

蒲生廣湖邊託身洪波側春露惠我澤秋霜纏我色根葉從  
風浪常恐不永植攝生各有命豈云智與力安得遊雲上與  
爾同羽翼

江離生幽渚

沈約

澤蘭被荒徑孤芳豈自通幸逢瑤池曠得與金芝叢朝承紫  
臺露夕潤淥池風既美脩嫿女復悅繁華童夙昔玉霜滿旦  
暮翠條空葉飄儲胥右芳歇露寒東紀化尚盈吳俗志信積  
隆財殫交易絕華落愛難終所惜改驪眙豈恨逐征蓬願回  
昭陽景時照長門宮

苦辛行

唐戎昱

且莫奏短歌聽余苦辛詞如今刀筆士不及屠沽兒少年無  
事學詩賦豈意文章復相悞東西南北少知音終年貢歲悲  
行路仰面訴天天不聞低頭告地地不言天地生我尚如此  
陌上他人何足論誰謂西江深涉之固無憂誰謂南山高可  
以登之遊險巖唯有世間路一嚮令人堪白頭貴  
可測等閑桃李成荆棘風塵之士深可親  
悲來却憶漢天子不弃相如家舊貧也  
酒判一醉萬事從他江水流

樂府詩集卷第三十六

太原郭

茂倩

編次

相和歌辭

清調曲

秋胡行四解

魏武帝

西京雜記曰魯人秋胡娶妻三月而遊官三年  
休還家其婦採桑於郊胡至郊而不識其妻也  
見而悅之乃遺黃金一鎰妻曰妾有夫遊官不  
返幽閨獨處三年于茲未有被辱於今日也採  
桑不顧胡慙而退至家問妻何在曰行採桑於  
郊未返既歸還乃向所挑之婦也夫妻並慙妻  
赴沂水而死列女傳曰魯秋潔婦者魯秋胡之  
妻也既納之五日去而官於陳五年乃歸未至

樂府詩集卷三十六

李元

其家見路傍有美婦人方採桑而說之下車謂  
曰力田不如逢豐年力桑不如見國卿今吾有  
金願以與夫人婦曰採桑力作紡績織紝以供  
衣食奉二親養夫子已矣不願人之金秋胡遂  
去歸至家奉金遺母使人呼其婦婦至乃嚮採  
桑者也婦汗其行去而東走自投於河而死樂  
府解題曰後人哀而賦之為秋胡行若魏文帝  
辭云堯任舜禹當復何為亦題曰秋胡行廣題  
曰曹植秋胡行但歌魏德而不取秋胡事與文  
帝之辭同也

晨上散關山此道當何難晨上散關山此道當何難牛頓不  
起車墮谷間坐盤石之上彈五弦之琴作為清角韻意中迷  
煩歌以言志晨上散關山解有何三老公卒來在我傍有何

三老公卒來在我傍負揜被裘似非恒人謂卿云何困苦以  
自怨徨徨所欲來到此閒歌以言志有何三老公解二我居崑  
崙山所謂者真人我居崑崙山所謂者真人道深有可得名  
山歷觀遨遊八極枕石嗽流飲泉沉吟不決遂上升天歌以  
言志我居崑崙山解三去去不可追長恨相牽攀去去不可追  
長恨相牽攀夜夜安得寐惆悵以自憐正而不譎辭賦依因  
經傳所過西來所傳歌以言志去去不可追解四

同前五解

武帝

願登泰華山神人共遠遊願登泰華山神人共遠遊經歷崑  
崙山到蓬萊飄飄八極與神人俱思得神藥萬歲為期歌以  
言志願登泰華山解一天地何長久人道居之短天地何長久  
人道居之短世言伯陽殊不知老赤松王喬亦云得道得之  
未聞度以壽考歌以言志天地何長久解二明明日月光何所

終所許集二十六

二

黃帝

不光昭明明日月光何所不光昭二儀合聖化貴者獨人不  
萬國率土莫非王臣仁義為名禮樂為榮歌以言志明明日  
月光解三四時更逝去晝夜以成歲四時更逝去晝夜以成歲  
大人先天而天弗違不戚年往憂世不治存亡有命慮之為  
蚩歌以言志四時更逝去解四戚戚欲何念歡笑意所之戚戚  
欲何念歡笑意所之壯盛智惠殊不再來愛時進趣將以惠  
誰汎汎放逸亦同何為歌以言志戚戚欲何念解五

右二曲魏晉樂所奏

同前三首

魏文帝

堯任舜禹當復何為百獸率舞鳳皇來儀得人則安失人則  
危唯賢知賢人不易知歌以詠言誠不易移鳴條之役萬舉  
必全明德通靈降福自天  
朝與佳人期日夕殊不來嘉肴不嘗旨酒停杯寄言飛鳥告

余不能俯折蘭黃仰結桂枝佳人不在結之何爲從爾何所  
之乃在大海隅靈若道言貽爾明珠企予望之步立躊躇佳  
人不來何得何須

汎汎淥池中有浮萍寄身流波隨風靡傾芙蓉含芳菡萏垂  
榮朝采其實夕佩其英采之遺誰所思在庭雙魚比目鴛鴦  
交頸有美一人婉如青揚知音識曲善爲樂方

同前二首

晉傅玄

秋胡子娶婦三日會行仕官旣享顯爵保茲德音以祿頤親  
韞比黃金覩一好婦採桑路傍遂下黃金誘以逢卿玉磨逾  
絜蘭動彌馨日源流潔清水無濁波奈何秋胡中道懷邪美此  
節婦高行魏哉哀哉可愍自投長河

秋胡納令室三日官他鄉皎皎絜婦姿泠泠守空房燕婉不  
終夕別如參與商憂來猶四海易感難可防人言生日短愁

樂府詩集三十六

三

時明

者苦夜長百草揚春華攘腕採柔桑素手尋繁枝落葉不盈  
筐羅衣翳玉體回目流采章君子倦仕歸車馬如龍驤精誠  
馳萬里旣至兩相忘行人悅令顏情一作借息此樹傍誘以逢  
卿喻遂下黃金裝烈烈貞女忿言辭厲秋霜長驅及居室奉  
金升北堂母立呼婦來歡情樂未央秋胡見此婦惕然懷探  
湯負心豈不慙永誓非所望清濁必異源鳧鳳不並翔引身  
赴長流果哉潔婦腸彼夫旣不淑此婦亦太剛

同前

晉陸機

道雖一致塗有萬端吉凶紛藹休咎之源人鮮知命命未易觀  
生亦何惜功名所勤

同前七首

晉嵇康

富貴尊榮憂患諒獨多富貴尊榮憂患諒獨多古人所懼豐  
屋蔀家人害其上獸惡罔羅惟有貧賤可以無它歌以言之

富貴憂患多

貧賤易居貴盛難爲工貧賤易居貴盛難爲工恥佞直言與禍相逢變故萬端俾吉作凶思牽黃犬其莫之從歌以言之貴盛難爲工

勞謙有悔忠信可久安勞謙有悔忠信可久安天道害盈好勝者殘彊梁致災多招禍患欲得安樂獨有無愆歌以言之忠信可久安

役神者弊極欲疾枯役神者弊極欲疾枯顏回短折不及童烏縱體淫恣莫不早徂酒色何物今自不幸歌以言之酒色令人枯

絕智棄學遊心於玄默絕智棄學遊心於玄默過而悔當不自得垂釣一壑樂一國被髮行歌和者四塞歌以言之遊心於玄默

思與王喬乘雲遊八極思與王喬乘雲遊八極凌厲五岳忽

樂府詩集三十六

四

王琦

行萬億授我神藥自生羽翼呼吸大和練形易色歌以言之行遊八極

徘徊鍾山息駕於層城徘徊鍾山息駕於層城上蔭華蓋下采若英受道王母遂升紫庭逍遙天衢千載長生歌以言之徘徊於層城

同前二首

宋謝惠連

春日遲遲桑何萋萋紅桃含妖綠柳舒萋邂逅祭者游渚戲蹊華顏易改良願難諧

係風捕影誠知不得念彼奔波意慮迴惑漢女倏忽洛神飄揚空勤交甫徒勞陳王

同前九首

宋顏延之

倚梧傾高鳳寒谷待鳴律影響豈不懷自遠每相匹婉彼幽閑女作嬪君子室峻節貫秋霜明豔伴朝日嘉運旣我從欣

願自此畢

燕居未及歡良人願有違脫巾千里外結綬登王畿戒徒在  
昧旦左右相來依驅車出郊郭行路正威遲存為久離別沒  
為長不歸

嗟余怨行役三陟窮晨暮嚴駕越風寒解鞍犯霜露原隰多  
悲涼迴颺卷高樹離獸起荒蹊驚鳥縱橫去悲哉游宦子勞  
此山川路

超遙行人遠宛轉年運徂良人

一作時

為此別日月方向除孰

知寒暑積徬俛見榮枯歲暮臨空房涼風起坐隅寢興日已  
寒白露生庭蕪

勤役從歸願反路遵山河昔辭秋未素今也歲載華蠶月觀  
時暇桑野多經過佳人從所務窈窕援高柯傾城誰不顧弭  
節停中阿

樂府詩集卷二十六

五

朱初

年往誠思勞路遠闊音形雖為五載別相與昧平生捨車遵  
往路鳧藻馳目成南金豈不重聊自意所輕義心多苦調密  
此金玉聲

高節難久淹竭來空復辭遲遲前途盡依依造門基上堂拜  
嘉慶入室問何之日暮行采歸物色桑榆時美人望昏至慙  
歎前相持

有懷誰能已聊用申苦難離居殊年載一別阻河關春來無  
時豫秋至恒早寒明發動愁心閨中夜長歎慘悽歲方晏  
日落游子顏

高張生絕絃聲急由調起自昔枉光塵結言固終始如何久  
為別百行愆諸已君子失明義誰與借沒齒愧彼行露詩甘  
之長川汜

同前七首

齊王融

日月共為照松筠俱以貞佩分甘自遠結鏡待君明且協金  
蘭好方愉琴瑟情佳人忽千里空閨積思生

景落中軒坐悠悠望城闕高樹外夕煙曾樓滿初月光陰非  
或異山川屢難越輟泣拚釵姿搔首亂雲髮

傾窺屬祖火搖念待方秋涼氣承宇結明熠僚堦流三星亦  
虛映四屋慘多愁思君如萱草一見乃忘憂

杼軸一作袖鬱不諧契闊迷新故朔風欄上發寒鳥林閒度客  
遠乏衣裘歲晏饒霜露參差興別緒依遲一作連起離慕

願言如可行信邁亦亡反睇景不告勞瞻途寧遽遠何以淹  
歸轍蠶妾事春晚送目亂前華馳心迷舊婉

椒佩容有結振芳歧路隅黃金徒以賦白珪終不渝明心良  
自皎安用久踟躕遄車反扮巷流目下西虞

披帷惕一作悵有望出門遲所欲彼美復來儀慙顏變欣矚蘭  
樂府詩集三十一

同前

唐高適

艾隔芳猶涇渭分清濁去去夫人子請徇川之曲

妾本邯鄲未嫁時容華倚翠人未知一朝結髮從君子將妾

迢迢東路陸時逢大道無難阻君方遊官從陳汝蕙樓獨卧  
頻度春彩落辭君幾徂暑三月垂楊蠶未眠攜籠結侶南陌

邊道逢行子不相識贈妾黃金買少年妾家夫婿輕離久寸  
心誓與長相守願言行路莫多情送妾貞心在人口日暮蠶

飢相命歸攜籠端飾來庭闈勞心苦力終無恨所冀君恩那  
可依聞說行人已歸止乃是向來贈金子相看顏色不復言

相顧懷慙有何已從來自隱無疑背直為君情也相會如何  
咫尺仍有情況復迢迢千里外此時顧恩不顧身念君此日

赴河津莫道向來不得意故欲留規誠後人

瑟調曲



古今樂錄曰王僧虔技錄瑟調曲有善哉行隴  
西行折楊柳行西門行東門行東西門行却東  
西門行順東西門行飲馬行上留田行新成安  
樂宮行婦病行孤子生行放歌行大牆上蒿行  
野田黃爵行釣竿行臨高臺行長安城西行武  
舍之中行鴈門太守行豔歌何嘗行豔歌福鍾  
行豔歌雙鴻行煌煌京洛行帝王所居行門有  
車馬客行牆上難用趨行日重光行蜀道難行  
擢歌行有所思行蒲坂行採梨橘行白楊行胡  
無人行青龍行公無渡河行荀氏錄所載十五  
曲傳者九曲武帝朝日自惜古公文帝朝遊上  
山明帝赫赫我祖古辭來日並善哉古辭羅敷  
豔歌行是也其六曲今不傳五嶽善哉行武帝

樂府詩集二十六

七

本古

善哉行六解

古辭

鴻鴈却東西門行長安長安城西行雙鴻福鍾  
並豔歌行牆上牆上難用趨行是也其器有笙  
笛節琴瑟箏琵琶七種歌弦六部張永錄云末  
歌之前有七部弦又在弄後晉宋齊止四器也

樂府解題曰古辭云來日大難口燥唇乾言人  
命不可保當見親友且永長年術與王喬八公  
遊焉又魏文帝辭云有美一人婉如青揚言其  
妍麗知音識曲善為樂方令人忘憂此篇諸集  
所出不入樂志按魏明帝步出夏門行曰善哉  
殊復善弦歌樂我情然則善哉者蓋歎美之

辭也

來日大難口燥唇乾今日相樂皆當喜歡解經歷名山芝草

翻翻仙人王喬奉藥一丸解二自惜袖短內手知寒慙無靈輒  
以報趙宣解三月沒參橫北斗闌干親交在門飢不及食解四歡  
日尚少戚日苦多以何忘憂彈箏酒歌解五淮南八公要道不  
煩參駕六龍遊戲雲端解六

同前七解

魏武帝

古公亶甫積德垂仁思弘一道哲王於函解一太伯仲雍王德  
之仁行施百世斷髮文身解二伯夷叔齊古之遺賢讓國不用  
餓殂首山解三智哉山甫相彼宣王何用杜伯累我聖賢解四齊  
桓之霸賴得仲父後任賢刁蟲流出戶解五晏子平仲積德兼  
仁與世沈德未必思命解六仲尼之世王國為君隨制飲酒揚  
波使官解七

同前六解

武帝

自惜身薄祜夙賤罹孤苦既無三徙教不聞過庭語解一其窮  
如抽裂自以思所怙雖懷一介志是時其能與解二守窮者貧  
賤惋歡淚如雨泣涕於悲夫乞活安能覩解三我願於天窮琅  
邪傾側左雖欲竭忠誠欣公歸其楚解四快人由為歎抱情不  
得叙顯行天教人誰知莫不緒解五我願何時隨此歎亦難處  
今我將何照於光曜釋銜不如雨解六

同前五解

魏文帝

朝日樂相樂酣飲不知醉悲弦激新聲長笛吹清氣解一弦歌  
感人腸四坐皆歡悅寥寥高堂上涼風入我室解二持滿如不  
盈有德者能卒君子多苦心所愁不但一解三慊慊下白屋吐  
握不可失衆賓飽滿歸主人苦不悉解四比翼翔雲漢羅者安  
所羈沖靜得自然榮華何足為解五

同前六解

文帝

上山採薇薄暮苦飢溪谷多風霜露沾衣解一野雉羣蚼猿猴

相追還望故鄉鬱何壘壘解二高山有崖林木有枝憂來無方人  
莫之知解三人生如寄多憂何為今我不樂歲月其馳解四湯湯  
川流中有行舟隨波轉薄有似客遊解五策我良馬被我輕裘  
載馳載驅聊以忘憂解六

同前五解

文帝

朝遊高臺觀夕宴華池陰大酉奉甘醪狩人獻嘉禽解一齊倡  
發東舞秦箏奏西音有客從南來為我彈清琴解二五音紛繁  
會拊者激微吟淫魚乘波聽踴躍自浮沈解三飛鳥翻翔舞悲  
鳴集北林樂極哀情來寒亮摧肝心解四清角豈不妙德薄所  
不任大哉子野言弭弦且自禁解五

右六曲魏晉樂所奏

同前

文帝

有美一人婉如清揚妍姿巧笑和媚心腸知音識曲善為樂  
方哀弦微妙清氣含芳流鄭激楚度宮中商感心動耳綺麗  
難忘離鳥夕宿在彼中洲延頸鼓翼悲鳴相求眷然顧之使  
我心愁嗟爾昔人何以忘憂

同前八解

魏明帝

我徂我征伐彼蠻虜練師簡卒爰正其旅解一輕舟竟川初  
鴻依浦栢栢猛毅如羆如虎解二發枹若雷吐氣成雨旄旌  
指麾進退應矩解三百馬齊轡御由造父休休六軍咸同斯  
武解四兼塗星邁亮茲行阻行行日遠西背京許解五遊弗淹  
旬遂屆揚上奔冠震懼莫敢當御解六虎臣列將怫鬱充怒  
淮泗肅清奮揚微所解七運德曜威惟鎮惟撫反旆言歸旆  
入皇祖解八

同前四解

明帝

赫赫大魏王師徂征冒暑討亂振曜威靈解一汎舟黃河隨波

潺湲通渠回越行路綿綿解二綵旌蔽日旌旒翳天淫魚淺澗  
遊嬉深淵解三唯塘泊從如流不爲單握揚楚心惆悵歌採薇  
心綿綿在淮肥願君速捷早旋歸解四

右二曲魏晉樂所奏

宋謝靈運

同前

陽谷躍升虞淵引落景躍東隅晚晚西薄三春燠叙九秋蕭  
索涼來溫謝寒往暑却居德斯頤積善嬉謔陰灌陽叢凋華  
墮蔓歡去易慘悲至難鏢激涕當歌對酒當酌鄙哉愚人戚  
戚懷瘼善哉達士滔滔處樂

梁江淹

同前

置酒坐飛閣逍遙臨華池神飈自遠至左右芙蓉披綠竹  
夾清水秋蘭被幽崖月出照園中冠珮相追隨客從南楚  
來爲我吹參差淵魚猶伏涌聽者未云罷高文一何綺小

樂府詩集三十六

十

卷七

儒安足爲肅肅廣殿陰雀聲愁北林衆賓還城邑何用慰  
我心

唐僧貫休

同前

有美一人兮婉如青揚識曲別音兮令姿煌煌繡袂捧琴兮  
登君子堂如彼萱草兮使我憂忘欲贈之以紫玉尺白銀璫  
久不見之兮湘水茫茫

唐僧齊己

同前

大鵬刷翮謝溟渤青雲萬層高突出下視秋濤空渺瀰舊處  
魚龍皆細物人生在世何容易眼濁心昏信生死願除嗜慾  
待身輕攜手同尋列仙事

唐李白

來日大難

來日一身攜糧負薪道長食盡苦口焦脣今日醉飽樂過千  
春仙人相存誘我遠學海陵三山陸慙五嶽乘龍上三天飛

目瞻兩角授以神藥金丹滿握螭蛄蒙恩深愧短促思填東  
海疆銜一木道重天地軒師廣成蟬翼九五以求長生下士  
大笑如蒼蠅聲

當來日大難

魏曹植

樂府解題曰曹植擬善哉行爲日苦短  
日苦短樂有餘乃置玉樽辦東厨廣情故心相於闔門置酒  
和樂欣欣遊馬後來素車解輪今日同堂出門異鄉別易會難  
各盡杯觴

同前

唐元稹

當來日大難行前有坂後有坑大梁側小梁傾兩軸相絞兩  
輪相撐大牛腎小牛橫烏啄牛背足跌力瘳當來日大難行  
太行雖險險可使平輪軸自撓牽制不停泥潦漸久荆棘旋  
生行必不得不如不行

樂府詩集卷三十六

七

王琦

樂府詩集卷第三十六



樂府詩集卷第三十七

太原郭

茂倩

編次

相和歌辭

瑟調曲

隴西行

古辭

一曰步出夏門行樂府解題曰古辭云天上何  
 所有歷歷種白榆始言婦有容色能應門承賓  
 次言善於主饋終言送迎有禮此篇出諸集不  
 入樂志若梁簡文隴西戰地但言辛苦征戰佳  
 人怨思而已王僧虔技錄云隴西行歌武帝碣  
 石文帝夏門二篇通典曰秦置隴西郡以居隴  
 坻之西為名後魏兼置渭州禹貢曰導渭自鳥  
 鼠同穴即其地也今首陽山亦在焉

樂府詩集三十七

李嗣

天上何所有歷歷種白榆桂樹夾道生青龍對道隅鳳凰鳴  
 啾啾一母將九鷦顧視世間人為樂甚獨殊好婦出迎客顏  
 色正敷愉伸腰再拜跪問客平安不請客北堂上坐客氈氍  
 毹清白各異樽酒上正華疏酌酒持與客客言主人持却略  
 再拜跪然後持一杯談笑未及竟左顧敕中厨促令辦麋飴  
 慎莫使稽留廢禮送客出盈盈府中趨送客亦不遠足不過  
 門樞取婦得如此齊姜亦不如健婦持門戶一勝一丈夫

同前

晉陸機

我靜如鏡民動如煙事以形兆應以象懸豈曰無才世鮮與賢

同前

宋謝靈運

昔在老子志一作理成篇柱小傾大綆短絕泉鳥之栖遊林  
 壇是閑韶樂牢膳豈伊攸便胡為乖枉從表方圓耿耿僚志  
 慊慊立園善歌以詠言理成篇

同前

宋謝惠連

運有榮枯道有舒屈潛保黃裳顯服朱黻誰能守靜弃華辭  
榮窮谷是處考槃是營千金不迴百代傳名厥包者袖忘憂  
者萱何爲有用自乖中原實摘柯摧葉殞條煩

同前三首

梁簡文帝

邊秋胡馬肥雪中驚寇入勇氣時無侶輕兵救邊急沙平不  
見虜嶂嶮還相及出塞豈成歌經川未遑汲烏孫塗更阻康  
居路猶澀月暈抱龍城星眉照馬邑長安路遠書不還寧知  
征人獨佇立

隴西四戰地羽檄歲時聞護羌擁漢節校尉立元勳石門留  
鐵騎冰城息夜軍洗兵逢驟雨送陣出黃雲沙長無止泊水  
脉屢縈分當思勒彝鼎無用想羅裙

悠悠懸旆旌知向隴西行減竈驅前馬銜枚進後兵沙飛朝

集卷三十一

二

聖成

似幕雲起夜疑城迴山時阻路絕水極稽程往年郵支服今  
歲單于平方觀凱樂盛飛蓋滿西京

同前

梁庾肩吾

借問隴西行何當驅馬征草合前迷路雲濃後暗城寄語幽  
閨妾羅袖勿空榮

同前

唐王維

十里一走馬五里一揚鞭都護軍書至匈奴圍酒泉關山正  
飛雪烽戍斷無煙

同前

唐耿緯

雪下陽關路人稀隴戍頭封狐猶未翦邊將豈無著白草三  
冬色黃雲萬里愁因思李都尉畢竟不封侯

同前

唐長孫左輔

陰雲凝朔氣隴上正飛雪四月草不生北風勁如切朝來羽

書急夜救長城窟道隘行不前相呼抱鞍歇人寒指欲墮馬  
凍蹄亦裂射鴈旋充飢斧冰還止渴寧辭解圍鬪但恐乘疲  
沒早晚邊候空歸來養羸卒

步出夏門行

古辭

邪徑過空廬好人常獨居卒得神仙道上與天相扶過謁王  
父母乃在太山隔離天四五里道逢赤松俱攬轡爲我御將  
吾上天遊天上何所有歷歷種白榆桂樹夾道生青龍對伏跂

同前四解

魏武帝

雲行雨步超越九江之臯臨觀異同心意懷遊豫不知當復  
何從經過至我碣石心惆悵我東海臨行至東臨碣石以觀  
滄海水何澹澹山島竦峙樹木叢生百草豐茂秋風蕭瑟洪  
波湧起日月之行若出其中星漢粲爛若出其裏幸甚至哉  
歌以詠志觀滄海解孟冬十月北風徘徊天氣肅清繁霜霏霏

樂府詩集三十一

三

王亮

鷓鴣晨鳴鴻鴈南飛鷲鳥潛藏熊羆窟棲錢罇停置農收積  
場逆旅整設以通賈商幸甚至哉歌以詠志冬十月解鄉土  
不同河朔隆寒流澌浮漂舟船行難雖不入地豐蔭深奧水  
竭不流冰堅可蹈土隱者貧勇俠輕非心常歎怨戚戚多悲  
幸甚至哉歌以詠志河朔寒解三神龜雖壽猶有竟時騰蛇乘  
霧終爲土灰驥老伏櫪志在千里烈士暮年壯心不已盈縮  
之期不但在天養怡之福可得永年幸甚至哉歌以詠志神

龜雖壽解四

同前二解

魏明帝

步出夏門東登首陽山嗟哉夷叔仲尼稱賢君子退讓小人  
爭先惟斯二子于今稱傳林鍾受謝節改時遷日月不居誰  
得久存善哉殊復善絃歌樂情解商風夕起悲彼秋蟬變形  
易色隨風東西乃眷西顧雲霧相連丹霞蔽日彩虹帶天弱



水潺潺葉落翩翩孤禽失羣悲鳴其間善哉殊復善悲鳴在  
鳴其間解二朝遊青冷日暮嗟歸此朝遊上蹶迫日暮烏鵲南飛  
繞樹三匝何枝可依卒逢風雨樹折枝摧雄來驚雌雌獨愁  
棲夜失羣侶悲鳴徘徊芄芄荆棘葛生綿綿感彼風人惆悵  
自憐月盈則冲華不再繁古來之說嗟哉一言蹶迫下

右二曲魏晉樂所奏

丹霞蔽日行

魏文帝

丹霞蔽日采虹垂天谷水潺潺木落翩翩孤禽失羣悲鳴雲  
間月盈則冲華不再繁古來有之嗟我何言

同前

魏曹植

紂為昏亂殘忠虐正周室何隆一門三聖牧野致功天亦革  
命漢祖之興階秦之衰雖有南面王道陵夷炎光再幽忽滅  
無遺

四

趙實

折楊柳行四解

古辭

古今樂錄曰王僧虔技錄云折楊柳行歌文帝  
西山古默默二篇今不歌

默默施行違厥罰隨事來末喜殺龍逢桀放於鳴條解一祖伊  
言不用紂頭懸白旄指鹿用為馬胡亥以喪軀解二夫差臨命  
絕乃云負子胥戎王納女樂以亡其由余璧馬禍及號二國  
俱為墟解三三夫成市虎慈母投杼趨卞和之刑足接輿歸草

蘆解四

同前四解

魏文帝

西山一何高高高殊無極上有兩仙僮不飲亦不食與我一  
女藥光耀有五色解一服藥四五日身體生羽翼輕舉乘浮雲  
倏忽行萬億流覽觀四海茫茫非所識解二彭祖稱七百悠悠  
安可原老聃適西戎于今竟不還王喬假虛辭赤松垂空言

三解達人識真偽愚夫好妄傳追念往古事憤憤千萬端百家  
多迂恠聖道我所觀四解

右二曲魏晉樂所奏

同前

陸機

邈矣垂天景壯哉奮地雷隆隆豈久響華華恒西墮日落似  
有音時逝恒若催仰悲朗月運坐觀璇蓋回盛門無再入衰  
房莫苦闇人生固已短出處鮮為諧慷慨惟昔人興此千載  
懷升龍悲絕處葛藟變條枚寤寐豈虛歎曾是感與摧弭意  
無足歎願言有餘哀

同前二首

謝靈運

鬱鬱河邊樹青青野田草合我故鄉客將適萬里道妻妾  
牽衣被收淚沾懷抱還拊幼童子顧託兄與嫂辭訣未及終  
嚴駕一何早負笻引文舟飢渴常不飽誰令爾貧賤咨嗟何

樂府詩集三十七

五

朱栢

所道

騷屑出穴風揮霍見日雪颼颼無久搖皎皎幾時潔未覺泮  
春冰已復謝秋節空對尺素遷獨視寸陰滅否桑未易繫秦  
茅難重拔桑苧迭生運語默寄前哲

西門行六解

古辭

古今樂錄曰王僧虔技錄西門行歌古西門一  
篇今不傳樂府解題曰古辭云出西門步念之  
始言醇酒肥牛及時為樂次言人生不滿百常  
懷千歲憂晝短苦夜長何不秉燭遊終言貪財  
惜費為後世所嗤又有順東西門行為三七言  
亦傷時顧陰有類於此

出西門步念之今日不作樂當待何時解夫為樂為樂當及  
時何能坐愁悌鬱當復待來茲二解飲醇酒炙肥牛請呼心所

歡可用解愁憂解三人生不滿百常懷千歲憂晝短而夜長何不秉燭遊解四自非仙人王子喬計會壽命難與期解五自非仙人王子喬計會壽命難與期解五人壽非金石年命安可期貪財愛惜費但為後世嗤解六

右一曲晉樂所奏

出西門步念之今日不作樂當待何時逮為樂逮為樂當及時何能愁悒鬱當復待來茲釀美酒炙肥牛請呼心所懽可用解憂愁人生不滿百常懷千歲憂晝短苦夜長何不秉燭遊遊行去去如雲除弊車羸馬為自儲

右一曲本辭

東門行四解

古辭

古今樂錄曰王僧虔技錄云東門行歌古東門一篇今不歌樂府解題曰古詞云出東門不

樂府詩集三十七

六

朱梓

顧歸入門悵欲悲言士有貧不安其居者拔劍將去妻子牽衣留之願共舖糜不求富貴且曰今時清不可為非也若宋鮑照傷禽惡弦驚但傷離別而已

出東門不顧歸來入門悵欲悲盎中無斗儲還視桁上無懸衣解一拔劍出門去兒女牽衣啼他家但願富貴賤妾與君共舖糜解二共舖糜上用倉浪天故下為黃口小兒今時清廉難犯教言君復自愛莫為非解三今時清廉難犯教言君復自愛莫為非行吾去為遲平慎行望君歸解四

右一曲晉樂所奏

出東門不顧歸來入門悵欲悲盎中無斗米儲還視架上無懸衣拔劍東門去舍中兒母牽衣啼他家但願富貴賤妾與君共舖糜上用倉浪天故下當用此黃口兒今非咄行吾去

爲遲白髮時下難久居

右一曲本辭

東門行

東晉張駿

勾芒御春正衡紀運玉瓊明度起祥風和氣翕來征慶雲蔭  
八極甘雨潤四垓昊天降靈澤朝日耀華精嘉苗布原野百  
卉敷時榮鳩鵲與鴛鴦黃間關相和鳴芙蓉覆靈沼香花揚芳  
馨春遊誠可樂感此白日傾休否有終極落葉思本莖臨川  
悲逝者節變動中情

同前

宋鮑照

傷禽惡弦驚倦客惡離聲離聲斷客情賓御皆涕零涕零心  
斷絕將去復還訣一息不相知何況異鄉別遥遥征駕遠杳  
杳白一作落日晚居人掩閨卧行子夜中飯野風吹草木行子  
心腸斷食梅常苦酸衣葛常苦寒絲竹徒滿座憂人不解顏

樂府詩集二十七

七

李古

長歌欲自慰彌起長恨端

同前

唐柳宗元

漢家三十六將軍東方雷動橫陣雲雞鳴函谷客如霧兒同  
心異不可數赤丸夜語飛電光徼巡司隸眠如羊當街一吐  
百吏走馮斫肯中函匕首兇徒側耳潛愜心悍臣破膽皆杜  
口魏王卧内藏兵符子西掩袂真無辜羌胡轂下一朝起敵  
國舟中非所擬安陵誰辨削礪功韓國詎明深井里絕臙斷  
骨那下補萬金寵贈不如土

東西門行

梁劉孝威

古今樂錄曰王僧虔技錄云東西門行今

不歌

廣津寒欲歇聯檣密纜收天高匝近岫江闊少方舟餞淚留  
神眷離歎切私儔佇變齊兒俗當傳楚獻囚徒然頒並命祗

惡思如抽

却東西門行

魏武帝

古今樂錄曰王僧虔技錄云却東西門行荀錄所載武帝鴻鴈一篇今不傳

鴻鴈出塞北乃在無人鄉舉翅萬餘里行止自成行冬節食南稻春日復北翔田中有轉蓬隨風遠飄揚長與故根絕萬歲不相當奈何此征夫安得去四方戎馬不解鞍鎧甲不離傍冉冉老將至何時反故鄉神龍藏深泉猛獸步高岡狐死歸首丘故鄉安可忘

右一曲魏晉樂所奏

同前

謝惠連

慷慨發相思惆悵戀音徽四節競闌候六龍引積機人生隨時變遷化焉可祈百年難必保千慮盈懷之

樂府詩集三十七

八

余承

同前

梁沈約

驅馬城西阿遙眺想京闕望極煙原盡地遠山河沒搖裝非短晨還歌豈明發脩服悵邊羈瞻途眇鄉謁馳蓋轉徂龍回星引奔月樂去哀鏡滿悲來壯心歇歲華委徂貌年霜移暮髮辰物久侵晏征思坐論越清氣掩行夢憂原盪瀛渤一念起關山千里顧兵窟

鴻鴈生塞北行

晉傅玄

鳳凰遠生海西及時崑山岡五德存羽儀和鳴定宮商百鳥並侍左右鼓翼騰華光上熙遊雲日間千歲時來翔孰若彼龍與龜曳尾泥中藏非雲雨則不升冬伏春迺驥退哀此秋蘭草根絕隨化揚靈氣一何憂美萬里馳芬芳常恐物易微歇一朝見弃忘

順東西門行

陸機

古今樂錄曰王僧虔技錄云順東西門行今  
不歌

出西門望天庭陽谷既虛崦嵫盈感朝露悲人生遊者若斯  
安得停桑樞戒蟋蟀鳴我今不樂歲聿征迨未暮及時平置  
酒高堂宴友生激卽笛彈哀箏取樂今日盡歡情

同前

謝靈運

出西門眺雲閒揮斤扶木墜虞泉信道人鑒徂川思樂暫捨  
誓不旋閔九九傷牛山宿心載違徒昔言競落運務積年招  
命儕好相追牽酌芳醕奏繁弦惜寸陰情固然

同前

謝惠連

哀朝菌閔積力遷化常然焉肯息及壯齒遇世直酌酪華堂  
集親識舒情盡懽遣悽惻

樂府詩集卷第三十七

樂府詩集三十七

九

朱



